



B. Muratori f. M.

PSALTERIUM
DISPOSITUM
PER HEBDOMADAM
CUM ORDINARIO OFFICII DE TEMPORE.
PARS HYEMALIS ET VERNÆ.
DOMINICA AD MATUTINUM.

Ante Matutinum, & omnes Horas, præterquam ad Completorium, dicitur secreto:

Pater noster, qui es in caelis: sanctificetur nomen tuum. Advéniat regnum tuum. Fiat voluntas tua, sicut in cælo, & in terra. Panem nostrum quotidianum da nobis hodiè. Et dimitte nobis débita nostra, sicut & nos dimittimus debitoribus nostris. Et ne nos inducas in tentationem. Sed libera nos à malo. Amen.

Ave Maria, grátia plena: Dóminus tecum: Benedicta tu in mulieribus, & benedictus fructus ventris tui Jesus. Sancta Maria, mater Dei, ora pro nobis peccatoribus nunc, & in hora mortis nostræ. Amen.

In principio Matutini, & Primæ, ac in fine Completorii, dicitur etiam Symbolum Apostolorum.

Credo in Deum, Patrem omnipotentem, Creatorem cæli & terre. Et in Jesum Christum, Filium ejus unicum, Dóminum nostrum: qui conceptus est de Spiritu sancto, natus ex Maria virgine, passus sub Póntio Pilato, crucifixus, mortuus, & sepultus: descendit ad inferos, tertiâ die resurrexit à mortuis: ascendit ad cælos,

Pars Hyemalis.

sedet ad dexteram Dei Patris omnipotentis: inde venturus est judicare vivos & mortuos. Credo in Spiritum sanctum: sanctam Ecclesiam catholicam: Sanctorum communionem: remissionem peccatorum: carnis resurrectionem: vitam æternam. Amen.

Deinde clara voce dicitur V.

Domine labia mea aperies. **R.** Et os meum annuntiabit laudem tuam. **V.** Deus in adiutorium meum intende. **R.** Domine ad adjuvandum me festina. Glória Patri, & Filio, & Spiritui sancto. Sicut erat in principio, & nunc, & semper, & in sæcula sæculorum. Amen. Alleluia.

Sic dicitur Alleluia, ad omnes Horas per totum Annum, præterquam à Dominica in Septuagesima usque ad Feriam v. in Cena Domini: tunc enim dicitur, Laus tibi

Domine, Rex æternæ glóriæ. Invitatorium sequens dicitur ab Octava Epiphaniæ usque ad Dominicam Septuagesimæ.

Invitator. Adoremus Dóminum, Qui fecit nos. Repetitur, Adoremus Dóminum, qui fecit nos.

A

Psal-

Psalms 94.

Venite, exultemus Dómino, jubilemus Deo salutari nostro: præoccupemus faciem ejus in confessione, & in psalmis jubilemus ei. Adoremus Dóminum, qui fecit nos. Quóniam Deus magnus Dóminus, & Rex magnus super omnes deos: quóniam non repellet Dóminus plebem suam, quia in manu ejus sunt omnes fines terræ, & altitudines montium ipse conspicit.

Qui fecit nos.

Quóniam ipsius est mare, & ipse fecit illud, & aridam fundaverunt manus ejus: venite, adoremus, & prociadamus ante Deum: plorémus coram Dómino, qui fecit nos, quia ipse est Dóminus Deus noster: nos autem populus ejus, & oves pascuæ ejus.

Adoremus Dóminum, qui fecit nos.

Hodiè si vocem ejus audieritis, nolite obdurare corda vestra, sicut in exacerbatione secundum diem tentationis in deserto: ubi tentaverunt me patres vestri, probaverunt, & viderunt opera mea.

Qui fecit nos.

Quadragesima annis proximus fui generationi huic, & dixi: Semper hi errant corde: ipsi verò non cognoverunt vias meas, quibus juravi in ira mea, si introibunt in requiem meam.

Adoremus Dóminum, qui fecit nos. Glória Patri, & Filio, & Spiritui sancto: Sicut erat in principio, & nunc, & semper, & in secula seculorum. Amen. Qui fecit nos.

Adoremus Dóminum, qui fecit nos.

Sequens Hymnus dicitur ab Octava Epiphaniæ usque ad Dominicam primam Quadragesimæ.

Hymnus.

Primo die, quo Trinitas Beata mundum condidit, Vel quo resurgens Conditor Nos morte victa liberat: Pulsis procul torporibus

Surgamus omnes ócyis, Et nocte queramus Deum, Propheta sicut præcipit.

Nostras preces ut audiat, Suamque dextram porrigit, Et expiatus sórdibus Reddat polórum sédibus.

Ut, quique sacratissimo Hujus dié tempore Horis quietis psallimus, Donis beatis muneret.

Jam nunc Paterna claritas Te postulamus affatim: Absint faces libidinis, Et omnis actus nóxius.

Ne fæda sit, vel lubrica Compago nostri córporis, Ob cujus ignes ignibus Avernus urat acrisus.

Mundi Redemptor, quæsumus, Tu probra nostra diluas, Nobisque largus commoda Vitæ perennis cónferas.

Præta, Pater plissime, Patrique compar Unice, Cum Spiritu Paráclito Regnans per omne sæculum. Amen.

Aliis temporibus à suprascriptis, Invitatorium & Hymnus dicuntur quæ habentur in Proprio de Tempore, pro Officii varietate: quod & in Capitulis & Hymnis ad Laudes, & in aliis similibus servetur.

IN PRIMO NOCTURNO.

In Adventu, Antiphona. Veniet ecce Rex.

Per Annum, Antiphona. Servite Dómino.

Tempore Paschali, Antiphona. Alleluia.

Asteriscus * notat pausam cantus in Choro.

Psalms 1.

Beatus vir, qui non abit in consilio impiórum, & in via peccatórum non stetit, * & in cathedra pestilentie non sedit:

Sed in lege Dómini voluntas ejus * &

& in lege ejus meditabitur die ac nocte.

Et erit tamquam lignum, quod plantatum est secus decursus aquarum, * quod fructum suum dabit in tempore suo:

Et folium ejus non defluet: * & omnia quæcumque faciet, prosperabuntur.

Non sic impii, non sic: * sed tamquam pulvis, quem projicit ventus à facie terræ.

Ideo non resurgent impii in iudicio: * neque peccatores in concilio justórum.

Quóniam novit Dóminus viam justórum: * & inter impiórum peribit. Glória Patri, & Filio, * & Spiritui sancto:

Sicut erat in principio, & nunc, & semper, * & in secula seculórum. Amen.

Hic versus Glória Patri, semper dicitur in fine omnium Psalmorum, nisi aliter notetur.

Psalms 2.

Quare fremuerunt Gentes, * & populi meditati sunt inania? Assiterunt reges terræ, & principes convenerunt in unum * adversus Dóminum, & adversus Christum ejus.

Dirumpamus vincula eórum: * & proiciamus à nobis jugum ipsórum.

Qui habitat in cœlis irridebit eos: * & Dóminus subsannabit eos.

Tunc loquetur ad eos in ira sua, * & in furóre suo conturbabit eos.

Ego autem constitutus sum rex ab eo super Sion montem sanctum ejus, * prædicans præceptum ejus.

Dóminus dixit ad me: * Filius meus es tu, ego hodiè genui te.

Postula à me, & dabo tibi Gentes hereditatem tuam, * & possessionem tuam terminos terræ.

Reges eos in virga ferrea, * & tamquam vas figuli confringes eos.

Et nunc reges intelligite: * erudimini qui judicatis terram.

Servite Dómino in timóre: * & exultate ei cum tremóre.

Apprehéndite disciplinam, nequando irascatur Dóminus, * & peccatis de via justa.

Cum exarserit in brevi ira ejus, * beati omnes, qui confidunt in eo.

Psalms 3.

Domine quid multiplicati sunt qui tribulant me? * multi insurgunt adversum me.

Multi dicunt animæ meæ: * Non est salus ipsi in Deo ejus.

Tu autem Dómine susceptor meus es, * glória mea, & exaltans caput meum.

Voce mea ad Dóminum clamavi: * & exaudivit me de monte sancto suo.

Ego dormivi, & soporatus sum: * & exurrexi, quia Dóminus suscepit me.

Non timebo millia populi circumdantis me: * exurge Dómine, salvum me fac Deus meus.

Quóniam tu percussisti omnes adversarios mihi sine causa: * dentes peccatórum contrivisti.

Dómini est salus: * & super populum tuum benedictio tua.

Psalms 6.

Domine, ne in furóre tuo arguas me: * neque in ira tua corripias me.

Miserere mei Dómine, quóniam infirmus sum: * sana me Dómine quóniam conturbata sunt ossa mea.

Et anima mea turbata est valde: * sed tu Dómine usquequò?

Convertere Dómine, & eripe animam meam: * salvum me fac propter misericordiam tuam.

Quóniam non est in morte qui memor sit tui: * in infero autem quis confitebitur tibi?

Laboravi in gemitu meo, lavabo per singulas noctes lectum meum: *

meum: * lacrymis meis stratum meum rigabo.

Turbatus est à furóre, óculus meus: * inveterávi inter omnes inimicos meos.

Discédite à me omnes qui opámini iniquitátem: * quóniam exaudivit Dóminus vocem fletús mei.

Exaudivit Dóminus deprecationem meam, * Dóminus oratióem meam suscepit.

Erubescant, & conturbéntur vehementer omnes inimici mei: * convertántur & erubescant valde velociter.

In Adventu, Antiphona. Veniet ecce Rex excélsus cum postestáte magna ad salvandas Gentes, alleluia.

Antiphona. Confortáte.

Per Annum, Antiphona. Servite Dómino in timóre, & exultáte ei cum tremóre.

Antiphona. Deus iudex justus.

Psalmus 7.

Domine Deus meus in te sperávi: * saluum me fac ex ómnibus persequéntibus me, & libera me.

Nequándo rápiat ut leo ánimam meam: * dum non est qui rédinat, neque qui salvam faciat.

Dómine Deus meus si fecistiud, * si est iniquitas in mánuibus meis:

Si reddídi retribuéntibus mihi mala, * decídiam mérito ab inimicis meis inánis.

Persequátur inimícus ánimam meam, & comprehéndat, & conciliet in terra vitam meam, * & glóriam meam in pulverem deducat.

Exúrge Dómine in ira tua: * & exaltáre in finibus inimicórum meórum.

Et exúrge Dómine Deus meus in præcepto quod mandásti: * & synágora populórum circumdabit te.

Et propter hanc in altum regrédere: * Dóminus iudicat pópulos.

Júdica me Dómine secundúm justitiam meam, * & secundúm innocentiam meam super me.

Consumétur nequitia peccatórum, & diriges justum, * scrutans corda & renes Deus.

Justum adjutórium meum à Dómino, * qui salvos facit rectos corde.

Deus iudex justus, fortis, & pátilis: * numquid iráscitur per singulos dies?

Nisi convérsi fuéritis, gládium suum vibrábit: * arcum suum tendéndit, & parávit illum.

Et in eo parávit vasa mortis, * sagittas suas ardéntibus effecit.

Ecce partúriti in justitiam: * concépit dolórem, & peperit iniquitátem.

Lacum aperúit, & effódit eum: * & incidit in foveam, quem fecit.

Convertéretur dolor ejus in caput ejus: * & in vérticem ipsius iniquitas ejus descéndet.

Confitébor Dómino secundúm justitiam ejus: * & psallam nómini Dómini altíssimi.

Psalmus 8.

Domine Dóminus noster, * quám admirábile est nomen tuum in univérsa terra!

Quóniam eleváta est magnificéntia tua, * super cælos.

Ex ore infántium & lacténtium perfecisti laudem propter inimicos tuos, * ut destruas inimicum & ultiórem.

Quóniam vidébo cælos tuos ópera digitórum tuórum: * lunam & stellas, quæ tu fundásti.

Quid est homo, quòd memor es ejus? * aut filius hóminis, quóniam visitas eum?

Minuisti eum pauló minús ab Angelis, glóriá & honóre coronásti eum: * & contitúisti eum super opera mánuum tuárum.

Om-

Omnia subiecisti sub pedibus ejus, * oves & boves univérsas: insuper & pécora campí.

Vólucres cæli, & pisces maris, * qui perambulant sémitas maris.

Dómine Dóminus noster, * quám admirábile est nomen tuum in univérsa terra!

Psalmus 9.

Confitebor tibi Dómine in toto corde meo: * narrábo ómnia mirabilia tua.

Lætábor & exultábo in te: * psallam nómini tuo Altíssime.

In converténdo inimicum meum retrórsúm: * infirmabuntur, & peribunt à facie tua.

Quóniam fecisti iudicium meum & causam meam: * sedisti super thronum qui júdicas justitiam.

Incepásti Gentes, & périt impius: * nomen eórum delésti in aetérnum, & in séculum séculi.

Inimíci defecerunt frámeæ in finem: * & civitátes eórum destrúxisti.

Périt memória eórum cum sónitú: * & Dóminus in aetérnum permanet.

Parávit in iudicio thronum suum: * & ipse iudicábit orbem terræ in æquitáte, iudicábit pópulos in justitia.

Et factus est Dóminus refúgium pauperi: * adjutor in opportunitáte, in tribulatióne.

Et sperent in te qui novérunt nomen tuum: * quóniam non dereliquisti quærentes te Dómine.

Psállite Dómino, qui hábitat in Sion: * annuntiáte inter Gentes stúdia ejus:

Quóniam requiréns sánguinem eórum recordátus est: * non est oblitus clamórem pauperum.

Miserére mei Dómine: * vide humilitátem meam de inimicis meis.

Qui exáltas me de portis mortis, * ut annúntiem omnes laudatiónes tuas in portis filíæ Sion.

Exultábo in salutári tuo: * infixæ sunt Gentes in intéritu, quem fecérunt.

In láqueo isto, quem abscondérunt, * comprehénsus est pes eórum.

Cognoscétur Dóminus iudicia faciens: * in opéribus mánuum suárum comprehénsus est peccátor.

Convertántur peccatóres in inférnum, * omnes Gentes quæ obliviscúntur Deum.

Quóniam non in finem oblivio erit pauperis: * pátientia pauperum non peribit in finem.

Exúrge Dómine, non confortétur homo: * júdicéntur Gentes in conspéctu tuo.

Constitue Dómine legislatórem super eos: * ut sciant Gentes quóniam hómines sunt.

Ut quid Dómine recessisti longé, * despécis in opportunitáibus, in tribulatióne?

Dum superbit impius, incénditur pauper: * comprehénduntur in consiliis quibus cogitant.

Quóniam laudátur peccátor in desideríis ánimæ suæ: * & iniquus benedicitur.

Exacerbávit Dóminus peccátor, * secundúm multitudinem iræ suæ non quæret.

Non est Deus in conspéctu ejus: * inquinátæ sunt viæ illius in omni témpore.

Auferúntur iudicia tua à facie ejus: * ómnium inimicórum suórum dominábitur.

Dixit enim in corde suo: * Non movébor à generatióne in generatióem, sine malo.

Cujus maledictióne os plenum est, & amaritúdine, & dolo: * sub lingua ejus labor & dolor.

Sedet in insidiis cum divitibus in occultis, * ut interficiat innocentem.

Oculi ejus in pauperem respiciunt: * insidiatur in abscondito, quasi leo in spelunca sua.

Insidiatur ut rapiat pauperem: * rapere pauperem dum attrahit eum. In laqueo suo humiliabit eum, * inclinabit se, & cadet cum dominatus fuerit pauperum.

Dixit enim in corde suo: Oblitus est Deus, * avertit faciem suam ne videat in finem.

Exurge Domine Deus, exaltetur manus tua: * ne obliviscaris pauperum.

Propter quid irritavit impius Deum? * dixit enim in corde suo: Non requirit.

Vides, quoniam tu laborem & dolorem consideras: * ut tradaseos in manus tuas.

Tibi derelictus est pauper: * orphano tu eris adfutor.

Contere brachium peccatoris & maligni: * quaeretur peccatum illius, & non invenietur.

Domine regnabit in aeternum, & in seculum seculi: * peribitis Gentes de terra illius.

Desiderium pauperum exaudivit Dominus: * preparationem cordis eorum audivit auris tua.

Judicare pupillo & humili, * ut non apponat ultra magnificare se homo super terram.

Psalmus 10.

In Domino confido: quomodo dicitis anime meae: * Transmigra in montem sicut passer?

Quoniam ecce peccatores intendunt arcum, paraverunt sagittas suas in pharetra, * ut sagittent in obscuro rectos corde.

Quoniam quae perfecisti, destruxerunt: * justus autem quid fecit?

Domine in templo sancto tuo, * Domine in caelo sedes ejus:

Oculi ejus in pauperem respiciunt: * palpebrae ejus interrogant filios hominum.

Domine interrogat justum & impium: * qui autem diligit iniquitatem, odit animam suam.

Pluet super peccatores laqueo: * ignis, & sulphur, & spiritus procellarum pars calicis eorum.

Quoniam justus Dominus & justitias dilexit: * aequitatem vidit vultus ejus.

In Adventu Antiphona. Confortate manus dissolutas: confortamini, dicite: Ecce Deus noster venit, & salvabit nos, alleluia.

Antiphona. Gaudete omnes.

Per Annum, Antiphona. Deus iudex justus, fortis, & longanimis: numquid irascetur per singulos dies?

Antiphona. Tu Domine.

Psalmus 11.

Salvum me fac Domine, quoniam defecit sanctus: * quoniam diminutae sunt veritates a filiis hominum.

Vana locuti sunt unusquisque ad proximum suum: * labia dolosa, in corde & corde locuti sunt.

Disperrat Dominus universa labia dolosa, * & linguam magniloquam.

Qui dixerunt: Linguam nostram magnificabimus, labia nostra a nobis sunt, * quis noster Domini est?

Propter miseriam inopum, & gemitum pauperum * nunc exurgam, dicit Dominus.

Ponam in salutari: * fiducialiter agam in eo.

Eloquia Domini, eloquia casta. * argentum igne examinatum, probatum terra, purgatum septuplum.

Tu Domine servabis nos: & custodies nos * a generatione hac in aeternum.

In

In circuitu impii ambulat: * secundum altitudinem tuam multiplicasti filios hominum.

Psalmus 12.

Usquequo Domine oblivisceris me in finem? * Usquequo avertis faciem tuam a me?

Quandiu ponam consilia in anima mea, * dolorem in corde meo per diem?

Usquequo exaltabit inimicus meus super me? * respice, & exaudi me Domine Deus meus.

Illumina oculos meos nequam obdormiam in morte: * nequando dicat inimicus meus: Praevalui adversus eum.

Qui tribulant me, exultabunt si motus fuero: * ego autem in misericordia tua speravi.

Exultabit cor meum in salutari tuo: cantabo Domino qui bona tribuit mihi: * & psallam nomini Domini altissimi.

Psalmus 13.

Dixit insipiens in corde suo: * Non est Deus.

Corrupti sunt, & abominabiles facti sunt in stodiis suis: * non est qui faciat bonum, non est usque ad unum.

Domine de caelo prospexit super filios hominum, * ut videat si est intelligens, aut requirens Deum.

Omnes declinaverunt, simul inutiles facti sunt: * non est qui faciat bonum, non est usque ad unum.

Sepulchrum patens est guttur eorum: linguis suis dolose agabant, * venenum aspidum sub labiis eorum.

Quorum os maledictione & amaritudine plenum est: * veloces pedes eorum ad effundendum sanguinem.

Contritio & infelicitas in viis eorum, & viam pacis non cognoverunt:

* non est timor Dei ante oculos eorum.

Nonne cognoscent omnes qui operantur iniquitatem, * qui devorant plebem meam sicut escam panis?

Domine non invocaverunt, * illic trepidaverunt timore, ubi non erat timor.

Quoniam Dominus in generatione non justa est, consilium inopis confudistis: * quoniam Dominus spes ejus est.

Quis dabit ex Sion salutare Israel? * cum averterit Dominus captivitatem plebis suae, exultabit Jacob, & letabitur Israel.

Psalmus 14.

Domine quis habitabit in tabernaculo tuo? * aut quis requiescet in monte sancto tuo?

Qui ingreditur sine macula, * & operatur justitiam:

Qui loquitur veritatem in corde suo: * qui non egit dolum in lingua sua:

Nec facit proximo suo malum, * & opprobrium non accipit adversus proximos suos.

Ad nihilum deductus est in conspectu ejus maligenas: * timentes autem Dominum glorificat.

Qui jurat proximo suo, & non decipit, * qui pecuniam suam non dedit ad usuram, & munera super innocentem non accipit.

Qui facit haec, * non movetur in aeternum.

In Adventu, Antiphona. Gaudete omnes, & letamini: ecce quia venit Dominus ultionis, adducet retributionem: ipse veniet, & salvabit nos. **V.** Ex Sion species decoris ejus. **R.** Deus noster manifeste veniet.

Per Annum, Antiphona. Tu Domine servabis nos, & custodies nos. **V.** Memor fui nocte no-

minis tui Dómine. **R.** Et custodivi legem tuam.

In Quadragesima, **V.** Ipse liberávit me de láqueo venantium. **R.** Et á verbo aspero.

Tempore Passions, **V.** Erue á frámea Deus ánimam meam. **R.** Et de manu canis única meam.

Tempore Paschali, **Antiphona.** Alleluia, Lapis revólutis est, alleluia, ab óstio monuménti, alleluia, alleluia. **V.** Surrexit Dóminus de sepulchro, alleluia. **R.** Qui pro nobis pepéndit in ligno, alleluia.

Post Versiculum cujuslibet Nocturni dicitur, Pater noster. **secretó.** **V.** Et ne nos inducas in tentationem. **R.** Sed libera nos á malo.

Absolutio.

EXaudi Dómine Jesu Christe preces servórum tuórum, & miserere nobis, qui cum Patre & Spiritu sancto vivis & regnas in secula seculórum. **R.** Amen.

V. Jube domne benedicere. **Benedictio.** Benedictióne perpétua benedicat nos Pater aetérnus. **R.** Amen.

Deinde leguntur Lectiones cum Responsoriis, ut in Proprio de Tempore assignantur.

Pro secunda Lectione, **Benedictio.** Unigénitus Dei Filius nos benedicere & adjuvare dignetur. **R.** Amen.

Pro tertia Lectione, **Benedictio.** Spiritus sancti grátia illuminet sensus & corda nostra. **R.** Amen.

IN II. NOCTURNO.

In Adventu, **Antiphona.** Gaude & letáre.

Per Annum, **Antiphona.** Bonórum meórum.

Tempore Paschali, **Antiphona.** Alleluia.

Psalmus 135.

Consérva me Dómine, quóniam sperávi in te. **V.** Dixi Dómino: Deus meus es tu, quóniam bonórum meórum non eges.

Sanctis, qui sunt in terra ejus, **V.** mirificávit omnes voluntates meas in eis.

Multiplicáte sunt infirmitates eórum: **V.** póstea acceleravérunt. Non congregábo conventicula eórum de sanguinibus: **V.** nec memor ero nóminum eórum per lábia mea.

Dóminus pars hereditátis mee, & cælicis mei: **V.** tu es, qui restitues hereditátem meam mihi.

Funes ceciderunt mihi in præcláris: **V.** etenim hereditas mea præclára est mihi.

Benedicám Dóminum, qui tribuit mihi intelléctum: **V.** insuper & usque ad noctem increpúerunt me renes mei.

Providébam Dóminum in conspéctu meo semper: **V.** quóniam á dextris est mihi, ne commóvear.

Propter hoc latátum est cor meum, & exultávit lingua mea: **V.** insuper & caro mea requiescet in spe.

Quóniam non derelinques ánimam meam in inférno: **V.** nec dabis sanctum tuum vidére corruptiónem.

Notas mihi fecisti vias vitæ, adimplébis me lætítia cum vultu tuo: **V.** delectatiónes in dextera tua usque in finem.

In Adventu **Antiphona.** Gaude & letáre filia Jerusalem, ecce Rex tuus véniet tibi: Sion noli timére, quia citó véniet salus tua.

Antiphona. Rex noster.

Per Annum, **Antiphona.** Bonórum meórum non indiges, in te sperávi, consérva me Dómine.

Antiphona. Propter verba.

Psalmus 16.

EXaudi Dómine justitiam meam: **V.** inténde deprecationem meam.

Auribus pércipe oratiómem meam, non in lábiis dolósis.

De

De vultu tuo júdicium meum pródeat: **V.** óculi tui videant aqúitates.

Probásti cor meum, & visitásti nocte: **V.** igne me examinásti, & non est inventa in me iniquitas.

Ut non loquátur os meum ópera hóminum: **V.** propter verba laborum tuórum ego custodivi vias duras.

Pérface gressus meos in sémitis tuis: **V.** ut non moveántur vestigia mea.

Ego clamávi, quóniam exaudisti me Deus: **V.** inclina aurem tuam mihi, & exaudi verba mea.

Mirifica misericórdias tuas, **V.** qui salvos facis sperántes in te.

A resisténtibus dextera tuæ custódi me. **V.** ut pupillam óculi.

Sub umbra alárum tuárum prótege me: **V.** á facie impiórum qui me afflixerunt.

Inimici mei ánimam meam circumdedérunt, ádipem suum concluserunt: **V.** os eórum locútum est superbíam.

Projiciéntes me nunc circumdedérunt me: **V.** óculos suos statuerunt declináre in terram.

Suscépérunt me sicut leo paratus ad prædam: **V.** & sicut cárculus leónis hábitans in ábditis.

Exúrge Dómine, præveni eum, & supplantá eum: **V.** éripe ánimam meam ab impio, frámeam tuam ab inimicis manus tuæ.

Dómine á paucis de terra divide eos in vita eórum: **V.** de absconditis tuis adimplétus est venter eórum.

Saturáti sunt filii: **V.** & dimiserunt reliquias suas párvulis suis.

Ego autem in justítia apparébo conspéctui tuo: **V.** satiabor cum apparuerit glória tua.

In Adventu, **Antiphona.** Rex noster advéniet Christus, quem Joánes prædicávit Agnum esse ventúrum.

Antiphona. Ecce vénio.

Per Annum, **Antiphona.** Propter verba laborum tuórum ego custodivi vias duras.

Antiphona. Diligam te.

Et non repetitur in Psalmo: quod semper fit, quando **Antiphona** incipit á primo Versu Psalmi, & **Psalmus** tunc incipitur ab eo verbo, in quo desinit **Antiphona**, sive integra dicatur, sive tantum inchoata; si tamen eadem sint verba, & continetur **Antiphona** cum **Psalmo**.

Psalmus 17.

Diligam te Dómine fortitúdo mea: **V.** Dóminus firmaméntum meum, & refúgium meum, & liberátor meus.

Deus meus adjútor meus, **V.** & sperábo in eum.

Protéctor meus, & cornu salutis mee, **V.** & suscéptor meus.

Laudans invocábo Dóminum: **V.** & ab inimicis meis salvus ero.

Circumdedérunt me dolóres mortis: **V.** & torréntes iniquitátis conturbáverunt me.

Dolóres inférni circumdedérunt me: **V.** præoccupáverunt me láquei mortis.

In tribulatione mea invocávi Dóminum, **V.** & ad Deum meum clamávi.

Et exaudivit de templo sancto suo vocem meam: **V.** & clamor meus in conspéctu ejus, introivit in aures ejus.

Commóta est, & contrémuit terra: **V.** fundamenta móntium conturbáta sunt, & commóta sunt, quóniam irátus est eis.

Ascéndit fumus in ira ejus: & ignis á facie ejus exarsit: **V.** carbónes succénsi sunt ab eo.

Inclinávit cælos, & descendit: **V.** & caligo sub pédibus ejus.

Et ascendit super Cherubim, &

volavit: * volavit super pennas ventorum.

Et posuit tenebras latibulum suum, in circuitu ejus tabernaculum ejus: * tenebrosa aqua in nubibus aeris.

Præ fulgore in conspectu ejus nubes transierunt, * grando & carbones ignis.

Et insonuit de caelo Dominus, & Altissimus dedit vocem suam: * grando & carbones ignis.

Et misit sagittas suas, & dissipavit eos: * fulgura multiplicavit, & conturbavit eos.

Et apparuerunt fontes aquarum, * & revelata sunt fundamenta orbis terrarum:

Ab increpatione tua Domine, * ab inspiratione spiritus iræ tuæ.

Misit de summo, & accepit me: * & assumpsit me de aquis multis.

Eripuit me de inimicis meis fortissimis, & ab iis qui oderunt me: * quoniam confortati sunt super me.

Prævenérunt me in die afflictionis meæ: * & factus est Dominus protector meus.

Et eduxit me in latitudinem: * salvum me fecit, quoniam voluit me.

Et retribuet mihi Dominus secundum justitiam meam, * & secundum puritatem manuum mearum retribuet mihi:

Quia custodivi vias Domini, * nec implei gessi à Deo meo.

Quoniam omnia judicia ejus in conspectu meo: * & justitias ejus non repuli à me.

Et ero immaculatus cum eo: * & observabo me ab iniquitate mea.

Et retribuet mihi Dominus secundum justitiam meam: * & secundum puritatem manuum mearum in conspectu oculorum ejus.

Cum sancto sanctus eris, * &

cum viro innocente innocens eris: Et cum electo electus eris: * & cum perverso pervertèris.

Quoniam tu populum humilem salvum facies: * & oculos superborum humiliabis.

Quoniam tu illuminas lucernam meam Domine: * Deus meus illumina tenebras meas.

Quoniam in te eripiar à tentatione: * & in Deo meo transgrediar murum.

Deus meus impolluta via ejus: eloquia Domini igne examinata: * protector est omnium sperantium in se.

Quoniam quis Deus præter Dominum? * aut quis Deus præter Deum nostrum?

Deus qui præcinxit me virtute: * & posuit immaculatam viam meam.

Qui perfecit pedes meos tanquam cervorum, * & super excelsa stans me.

Qui docet manus meas ad prælium: * & posuisti ut arcum areum, brachia mea.

Et dedisti mihi protectionem salutaris tuæ: * & dextera tua suscepit me:

Et disciplina tua corripuit me in finem: * & disciplina tua ipsa me docebit.

Dilatasti gressus meos subter me: * & non sunt infirmata vestimenta mea:

Përsequar inimicos meos, & comprehendam illos: * & non convertar donec deficiant.

Confringam illos: nec poterunt stare: * cadent subter pedes meos.

Et præcinxisti me virtute ad bellum: * & supplantasti insurgentes in me subter me.

Et inimicos meos dedisti mihi dorsum, * & odientes me disperdidisti.

Clamaverunt, nec erat qui salvos faceret

faceret ad Dominum: * nec exaudivit eos.

Et comminam eos, ut pulverem ante faciem venti: * ut lutum platearum delebo eos.

Eripies me de contradictionibus populi: * constitues me in caput Gentium.

Populus, quem non cognovi, servavit mihi: * in auditu auris obedivit mihi.

Filii alieni mentiti sunt mihi: * filii alieni inveterati sunt, & claudicaverunt à semitis suis.

Vivit Dominus, & benedictus Deus meus, * & exaltetur Deus salutaris meæ.

Deus qui das vindictas mihi, & subdis populos sub me, * liberator meus de inimicis meis iracundis.

Et ab insurgentibus in me exaltabis me: * à viro iniquo eripies me.

Propterea confitebor tibi in nationibus Domine: * & nomen tuo psalium dicam,

Magnificans salutes Regis ejus, & faciens misericordiam christo suo David, * & seminii ejus usque in sæculum.

In Adventu, Antiphona. Ecce venio cito, & merces mea mecum est, dicit Dominus, dare unicuique secundum opera sua. *Ps.* Emitte Agnum Domine Dominatorem terræ. *R.* De petra deserti ad montem filiae Sion.

Per Annum, Antiphona. Diligam te Domine virtus mea. *Ps.* Quoniam tu illuminas lucernam meam Domine. *R.* Deus meus illumina tenebras meas.

In Quadragesima, *Ps.* Scapulæ suis obumbrabit tibi. *R.* Et sub pennis ejus sperabis.

Tempore Passionis, *Ps.* De ore leonis libera me Domine. *R.* Et à cornibus unicornium humilitatem meam.

Tempore Paschali, Antiphona. Alleluia. Quem queris mulier? alleluia, viventem cum mortuis? alleluia, alleluia. *Ps.* Surrexit Dominus vere, alleluia. *R.* Et apparuit Simoni, alleluia. *Ps.* Et non steterunt secreti.

Ps. Et ne nos inducas in tentationem. *R.* Sed libera nos à malo. *Abolutio.*

Ps. Pius pietas & misericordia nos adjuvet, qui cum Patre & Spiritu sancto vivit & regna in sæcula seculorum. *R.* Amen.

Ps. Jube domne benedicere. *Benedictio.* Deus pater omnipotens sit nobis propitius & clemens. *R.* Amen.

Pro quinta Lectione, *Benedictio.* Christus perpetua det nobis gaudia vite. *R.* Amen.

Pro sexta Lectione, *Benedictio.* Ignem sui amoris accendat Deus in cordibus nostris. *R.* Amen.

IN III. NOCTURNO.

In Adventu, Antiphona. Gabriel Angelus.

Per Annum, Antiphona. Non sunt loquela.

Tempore Paschali, Antiphona. Alleluia.

Psalmus 18.

C. Celi enarrant gloriam Dei, * & opera manuum ejus annuntiant firmamentum.

Dies diei eructat verbum, * & nox nocti indicat scientiam.

Non sunt loquela, neque sermones, * quorum non audiuntur voces eorum.

In omnem terram exivit sonus eorum: * & in fines orbis terræ verba eorum.

In sole posuit tabernaculum suum: * & ipse tanquam sponsus procedens de thalamo suo:

Exultavit ut gigas ad currendam viam, * à summo caelo egressio ejus:

Et

Et occurrus ejus usque ad summum ejus: * nec est qui se abscondat à calore ejus.

Lex Dómini immaculata convergens animas: * testimonium Dómini fidele, sapiéntiam præstans parvulis.

Justitia Dómini recte, lætificantes corda: * præceptum Dómini lucidum; illuminans oculos.

Timor Dómini sanctus, permansens in sæculum sæculi: * judicium Dómini vera, justificata in semetipsa.

Desiderabilia super aurum & lapidem pretiosum multum: * dulciora super mel & favum.

Etenim servus tuus custodit ea: * in custodiendis illis retributio multa.

Delicta quis intelligit? ab occulis meis munda me: * & ab aliénis parce servo tuo.

Si mei non fuerint dominati, tunc immaculatus ero: * & emundabor à delicto máximo.

Et erunt ut complacent eloquia oris mei: * & meditatio cordis mei in conspectu tuo semper.

Dómine adjutor meus, * & redemptor meus.

In Adventu, Antiphona. Gabriel Angelus locutus est Mariæ, dicens: Ave gratia plena: Dóminus tecum; Benedicta tu inter mulieres.

Antiphona. Mariæ dixit.
Per Annum, Antiphona. Non sunt loquæta, neque sermões, quorum non audiántur voces eorum.

Antiphona. Exaudiat.

Psalmus. 19.

Exaudiat te Dóminus in die tribulationis: * próteget te nomen Dei Jacob.

Mittat tibi auxilium de sancto: * & de Sion tueatur te.

Memor sit omnis sacrificii tui: * & holocaustum tuum pingue fiat.

Tribuat tibi secundum cor

tuum: * & omne consilium tuum confirmet.

Letábitur in salutári tuo: * & in nómine Dei nostri magnificábitur.

Impleat Dóminus omnes petitiões tuas: * nunc cognóvi quóniam salvem fecit Dóminus Christum suum.

Exaudiet illum de cælo sancto suo: * in potentátibus salus dextere ejus.

Hi in curribus, & hi in equis: * nos autem in nómine Dómini Dei nostri invocábimus.

Ipsi obligati sunt, & ceciderunt: * nos autem surreximus & erecti sumus.

Dómine salvem fac regem: * & exaudi nos in die, qua invocaverimus te.

In Adventu, Antiphona. Mariæ dixit: Putas qualls est ista salutatio: quia conturbata est anima mea, & quia paritura sum regem, qui claustrum virginitatis meæ non violábit?

Antiphona. In adventu.

Per Annum, Antiphona. Exaudiat te Dóminus in die tribulationis.

Antiphona. Dómine.

Psalmus 20.

Domine in virtute tua lætábitur rex: * & super salutarium exultábit vehementer.

Desiderium cordis ejus tribuisti ei: * & voluntate labiorum ejus non fraudasti eum.

Quóniam prævenisti eum in benedictionibus dulcedinis: * posuisti in capite ejus coronam de lapide pretioso.

Vitam petiit à te: * & tribuisti ei longitudinem dierum in sæculum, & in sæculum sæculi.

Magna est gloria ejus in salutari tuo: * gloriám & magnum decorem impones super eum.

Quó-

Quóniam dabis eum in benedictionem in sæculum sæculi: lætificábis eum in gaudio cum vultu tuo.

Quóniam rex sperat in Dómino: * & in misericórdia Altissimi non commovebitur.

Inveniatur manus tua ómnibus inimicis tuis: * dextera tua invéniat omnes, qui te odérunt.

Pones eos ut clibanum ignis in tempore vultus tui: * Dóminus in ira sua conturbábit eos, & devorábit eos ignis.

Fructum eorum de terra perdes: * & semen eorum à filiis hominum.

Quóniam declinaverunt in temala: * cogitaverunt consilia, que non poterunt stabilire.

Quóniam pones eos dorsum, * in reliquiis tuis præparabis vultum eorum.

Exaltare Dómine in virtute tua: * cantábimus & psallémus virtutes tuas.

In Adventu, Antiphona. In adventu summi Regis mundentur corda hominum, ut dignè ambulémus in occursum illius: quia ecce veniet, & non tardábit.

Y. Egreddiatur Dóminus de loco sancto suo.

R. Veniet ut salvet populum suum.

Per Annum, Antiphona. Dómine in virtute tua lætábitur rex.

Y. Exaltare Dómine in virtute tua.

R. Cantábimus & psallémus virtutes tuas.

In Quadragesima, Y. Scuto circumdabit te veritas ejus. **R.** Non timebis à timóre nocturno.

Tempore Passionis, Y. Ne perdas cum impiis Deus animam meam. **R.** Et cum viris sanguinum vitam meam.

Tempore Paschali, Antiphona. Alleluia, Noli flere Mariæ, alleluia: resurrexit Dóminus, alleluia, alleluia.

Y. Gavisi sunt discipuli, alleluia. **R.** Viso Domino, alleluia. Pater noster, secreto. **Y.** Et ne nos inducas in tentationem. **R.** Sed libera nos à malo.

Absolutio.

A Vinculis peccatorum nostrorum absolvat nos omnipotens & misericors Dóminus. **R.** Amen.

Y. Jube domne benedicere. **Benedictio.** Evangelica lectio sit nobis salus & protectio. **R.** Amen.

Pro octava Lectione, Benedictio. Divinum auxilium mæneat, semper nobiscum. **R.** Amen.

Pro nona Lectione, Benedictio. Ad societatem civium supernorum perducat nos Rex Angelorum. **R.** Amen.

Sequens Hymnus semper dicitur post ultimam Lectionem in omnibus Dominicis & Festis tantum: (excepto festo SS. Innocentium, quando non venit in Dominica) à Paschate usque ad Adventum, & à Nativitate Domini usque ad Septuagesimam. In Adventu autem, & à Septuagesima usque Pascha non dicitur nisi in Festis: à Paschate vero usque ad Pentecosten dicitur etiam in feriali Officio, excepta Feria secunda Rogationum. Alio Tempore nunquam dicitur in feriali Officio. Quando vero non dicitur, ejus loco ponitur nonum aut tertium Responsorium.

Hymnus SS. Ambrosii, & Augustini.

Te Deum laudamus, * te Dóminus confitemur.

Te ætérnum Patrem, * omnis terra veneratur.

Tibi omnes Angeli, * tibi cæli, & universæ potestates,

Tibi Chérubim & Seraphim, * incessabili voce proclamant: Sanctus, Sanctus, Sanctus: * Dóminus Deus Sabaotih.

Plen-

Pleni sunt cœli & terra, * majesticatūs gloriæ tuæ.

Te gloriōsus * Apostolorum chorus,

Te Prophetarum * laudabilis numerus,

Te Martyrum candidatus * laudat exercitus.

Te per orbem terrarum * sancta confitetur Ecclesia,

Patrem * immensæ majesticatūs, Venerandum tuum verum * & unicum Filium,

Sanctum quoque * Paracletum Spiritum.

Tu Rex * gloriæ Christe.

Tu Patris, * sempiternus es Filius.

Tu ad liberandum suscepturus hominem * non horruisti Virginis uterum.

Tu devicto mortis aculeo * aperuisti credentibus regna cœlorum.

Tu ad dexteram Dei sedes * in gloria Patris.

Judex crederis * esse venturus.

Te ergo quæsumus, tuis famulis subveni, * quos pretioso sanguine redemisti.

Æterna fac cum sanctis tuis, * in gloria numerari.

Salvum fac populum tuum Domine, * & benedic hereditati tuæ.

Et rege eos, * & extolle illos usque in æternum.

Per singulos dies * benedicimus te.

Et laudamus nomen tuum in sæculum, * & in sæculum sæculi.

Dignare Domine die isto * sine peccato nos custodire.

Miserere nostri Domine, * miserere nostri.

Fiat misericordia tua Domine super nos, * quemadmodum speravimus in te.

In te Domine speravi, * non confundar in æternum.

AD LAUDES. V.

DEus in adiutorium meum intendente. **R.** Domine ad adiuvandum me festina. Gloria Patri, & Filio, & Spiritui sancto. Sicut erat in principio, & nunc, & semper, & in sæcula seculorum. Amen. Alleluia. **vel** Laus tibi Domine, Rex æternæ gloriæ. **pro temporis diversitate.**

A Dominica post Octavam Epiphaniæ usque ad Septuagesimam, & tempore Paschali, Antiphona, Alleluia.

Psalmus 92.

Dominus regnavit, decorem indutus est: * indutus est Dominus fortitudinem, & præcinxit se.

Etenim firmavit orbem terræ, * qui non commovebitur.

Parata sedes tua ex tunc: * à seculo tu es.

Elevaverunt flumina Domine: * elevaverunt flumina vocem suam.

Elevaverunt flumina fluctus suos, * à vóribus aquarum multarum.

Mirabiles elationes maris: * mirabilis in altis Dominus.

Testimonia tua credibilia facta sunt nimis: * domum tuam decet sanctitudo Domine in longitudinem dierum.

Psalmus 99.

Jubilate Deo omnis terra: * servite Domino in lætitia.

Introite in conspectu ejus, * in exultatione.

Scitote quoniam Dominus ipse est Deus: * ipse fecit nos, & non ipsi nos.

Populus ejus, & oves pascuæ ejus: * introite portas ejus in confessione, atria ejus in hymnis: confitemini illi.

Laudate nomen ejus: quoniam suavis est Dominus, in æternum misericordia ejus, * & usque in

ge-

generationem & generationem veritas ejus.

Psalmus 62.

DEus Deus meus * ad te de luce vigilo.

Sitivit in te anima mea, * quam multipliciter tibi caro mea.

In terra deserta, & in via, & in aquosa: * sic in sancto apparui tibi, ut vidèrem virtutem tuam, & gloriam tuam.

Quoniam melior est misericordia tua super vitas: * labia mea laudabunt te.

Sic benedicam te in vita mea: * & in nomine tuo levabo manus meas.

Sicut adipe & pinguedine repleatur anima mea: * & labiis exultationis laudabit os meum.

Si memor fui tui super stratum meum, in matutinis meditabor in te: * quia fuisti adiutor meus.

Et in velamento alarum tuarum exultabo, adhæsit anima mea post te: * me suscepit dextera tua.

Ipsi verò in vanum quasi erunt animam meam, introibunt in inferiора terræ: * tradentur in manus gladii, partes vulpium erunt.

Rex verò lætabitur in Deo, laudabuntur omnes qui jurant in eo: * quia obstructum est os loquentium iniqua.

Hic non dicitur Gloria Patri.

Psalmus 66.

DEus misereatur nostri, & benedicat nobis: * illuminet vultum suum super nos, & misereatur nostri.

Ut cognoscamus in terra viam tuam: * in omnibus gentibus salutare tuum.

Confiteantur tibi populi Deus: * confiteantur tibi populi omnes.

Lætentur & exultent gentes: * quoniam iudicas populos in æquitate, & gentes in terra dirigis.

Confiteantur tibi populi Deus: confiteantur tibi populi omnes: * terra dedit fructum suum.

Benedicat nos Deus, Deus noster, benedicat nos Deus: * & metuant eum omnes fines terræ.

Gloria Patri, & Filio.

Tempore Paschali, Antiphona, Alleluia, alleluia, alleluia, alleluia, alleluia, alleluia, alleluia, alleluia, alleluia.

Antiphona. Surrexit Christus. Per Annum, Antiphona. Alleluia, alleluia.

Antiphona. Tres pueri. Canticum trium puerorum.

Danielis 3. e

Benedicite omnia opera Domini Domino: * laudate & superexaltate eum in sæcula.

Benedicite Angeli Domini Domino: * benedicite cœli Domino.

Benedicite aquæ omnes, quæ super cœlos sunt, Domino: * benedicite omnes virtutes Domini Domino.

Benedicite sol, & luna Domino: * benedicite stellæ cœli Domino.

Benedicite omnis imber, & ros Domino: * benedicite omnes spiritus Dei Domino.

Benedicite ignis, & æstus Domino: * benedicite frigus, & æstus Domino.

Benedicite rores, & pruina Domino: * benedicite gelu, & frigus Domino.

Benedicite glaciés, & nives Domino: * benedicite noctes, & dies Domino.

Benedicite lux, & tenebræ Domino: * benedicite fulgura, & nubes Domino.

Benedicat terra Dominum: * laudet & superexaltet eum in sæcula.

Benedicite montes, & colles Domino: * benedicite universa germinantia in terra Domino.

Be-

Benedicite fontes Dómino: * benedicite maria, & flumina Dómino. Benedicite cete, & omnia, que moventur in aquis, Dómino: * benedicite omnes volucres cœli Dómino.

Benedicite omnes bestię, & pecora Dómino: * benedicite filii hominum Dómino.

Benedicat Israël Dóminus: * laudet & superexaltet eum in sæcula.

Benedicite sacerdotes Dómini Dómino: * benedicite servi Domini Dómino. Benedicite spiritus, & animæ iustorum Dómino: * benedicite sancti, & humiles corde Dómino.

Benedicite Anania, Azaria, Misael Dómino: * laudate & superexaltate eum in sæcula.

Benedicamus Patrem, & Filium cum sancto Spiritu: * laudemus & superexaltemus eum in sæcula.

Benedictus es Dómine in firmamento cœli: * & laudabilis, & gloriósus, & superexaltatus in sæcula.

Hic non dicitur, Glória Patri, neque Amen. In aliis Canticis dicuntur.

Tempore Paschali, Antiphona. Surrexit Christus de sepulchro, qui liberavit tres pueros de camino ignis ardentis, alleluia.

Antiphons. Alleluia.

Per Annum, Antiphona. Tres pueri iussu regis in fornacem missi sunt, non timentes flammam ignis, dicentes: Benedicite Deus.

Antiphons. Alleluia.

Psalmus 14.

Laudate Dóminum de cœlis: * laudate eum in excelsis.

Laudate eum omnes angeli ejus: laudate eum omnes virtutes ejus.

Laudate eum sol, & luna: * laudate eum omnes stellę, & lumen.

Laudate eum cœli cœlorum: * & aquę omnes, quę super cœlos sunt, laudent nomen Dómini.

Quia ipse dixit, & facta sunt: * ipse mandavit, & creata sunt. Staturit ea in æternum, & in sæculum sæculi: * præceptum posuit, & non prateribit.

Laudate Dóminum de terra, * dracones, & omnes abyssi.

Ignis, grando, nix, glacię, spiritus procellarum: * quę faciunt verbum ejus.

Montes, & omnes colles: * ligna fructifera, & omnes cedri.

Bestię, & univęsa pecora: * serpentes, & volucres pennatę.

Reges terrę, & omnes pöpuli: * principes, & omnes iudices terrę.

Juvenes, & virgines: senes cum junioribus laudent nomen Dómini: * quia exaltatum est nomen ejus solius.

Confessio ejus super cœlum & terram: * exaltavit cornu pöpuli sui.

Hymnus omnibus sanctis ejus: * filiis Israël, pöpulo appropinquanti sibi.

Hic non dicitur Glória Patri.

Psalmus 149.

Cantate Dómino canticum novum: * laus ejus in Ecclesia sanctorum.

Lætetur Israël in eo, qui fecit eum: * & filii Sion exultent in regno suo.

Laudent nomen ejus in choro: * in tympano, & psalterio psallant ei.

Quia beneplacitum est Dómino in pöpulo suo: * & exaltabit mansuetos in salutem.

Exultabunt sancti in glória: * lætabuntur in cubilibus suis.

Exaltationes Dei in gutture eorum: * & gladii accipites in manibus eorum.

Ad faciendam vindictam in nationibus: * in repationes in pöpulis.

Ad alligandos reges eorum in compedibus: * & nobiles eorum in manicis ferreis.

Ut

Ut faciant in eis iudicium conscriptum: * glória hæc est omnibus sanctis ejus.

Hic non dicitur Glória Patri.

Psalmus 150.

Laudate Dóminum in sanctis ejus: * laudate eum in firmamento virtutis ejus.

Laudate eum in virtutibus ejus: * laudate eum secundum multitudinem magnitudinis ejus.

Laudate eum in sono tubę: * laudate eum in psalterio, & cithara.

Laudate eum in tympano, & choro: * laudate eum in chordis, & organo.

Laudate eum in cymbalis benesonantibus: laudate eum in cymbalis jubilationis: * omnis spiritus laudet Dóminum.

Glória Patri, & Filio.

Tempore Paschali, & per Annum, Antiphona. Alleluia, alleluia, alleluia.

Sequens Capitulum dicitur in Dominicis, secunda post Epiphaniam usque ad Septuagesimam.

Capitulum. *Apoc. 7. 0*

Benedictio, & claritas, & sapientia, & gratiarum actio, honor, virtus, & fortitudo Deo nostro in sæcula sæculorum. Amen. *R.* Deo grátias.

Sic respondetur in fine omnium Capitulorum.

Quando ad Nocturnum dicitur Hymnus, Primo die, ad Laudes dicitur sequens Hymnus.

Terne rerum Cõditor,

Noctem diemque qui regis,

Et temporum das tempora,

Ut alleves fastidium.

Nocturna lux viantibus,

A nocte noctem seq̃tigans,

Præco dię iam sonat,

Jubarque solis evocat.

Hoc excitatus lucifer

Parti Hyemalis.

Solvit polum caligine:

Hoc omnis errorum cohors

Viam nocendi deserit.

Hoc nauta vires colligit:

Pontique mitescunt freta:

Hoc, ipsa petra Ecclesię

Canente, culpam diluit.

Surgamus ergo strẽnuę,

Gallus jacentes excitat,

Et somnolentos increpat,

Gallus negantes arẽuit,

Gallo canente spes redit,

Agris salus refunditur,

Mucro latronis conditur,

Lapsis fides revẽrtitur.

Jesu labantes respice.

Et nos videndo corrige:

Si respicis, labes cadunt,

Fletique culpa solvitur.

Tu lux refugę sensibus,

Mentisque somnum discute:

Te nostra vox primũ sonet,

Et vota solvamus tibi.

Deo Patri sit glória,

Ejusque soli Filio,

Cum Spiritu Paraclito,

Nunc, & per omne sæculum.

Amen.

Per Annum, V. Dóminus regnavit, decorem induit. **R.** Induit Dóminus fortitudinem, & præcinxit se virtute.

A Septuagesima usque ad Quadragesimam, V. Dómine refugium factus es nobis. **R.** A generatione & progénie.

In Adventu, Hymnus. En clara vox. **V.** Vox clamantis in deserto, parate viam Dómini. **R.** Rectas facite semitas ejus.

In Quadragesima, Hymnus. O sol salutis. **V.** Angelis suis Deus mandavit de te. **R.** Ut custodiant te in omnibus viis tuis.

Tempore Passionis, Hymnus. Lustra sex. **V.** Eripe me de inimicis meis Deus meus. **R.** Et ab insurgentibus in me libera me.

B

Tem-

Tempore Paschali, Hymnus. Au-
rora cœlum purpurat. y. In resur-
rectione tua Christe, alleluia.
R. Cœli & terra latentur, alleluia.

Canticum Zachariæ.

Luce 1. g.

Benedictus Dñs Dominus Deus Is-
raël, * quia visitavit, & fecit
redemptionem plebis suæ:

Et erexit cornu salutis nobis: * in
domo Dávid pueri sui.

Sicut locutus est per os sancto-
rum, * qui à sæculo sunt, prophetá-
rum ejus:

Salutem ex inimicis nostris, * & de
manu ómnium, qui oderunt nos:

Ad faciendam misericórdiam cum
patribus nostris: * & memorári testam-
enti sui sancti.

Jusurandum, quod jurávit ad
Abraham patrem nostrum, * datu-
rum se nobis:

Ut sine timóre, de manu inimico-
rum nostrórum liberáti, * serviámus
illi.

In sanctitate, & justitia coram ipso, *
ómnibus diébus nostris.

Et tu puer, prophéta Altissimi vo-
caberis: * præbis enim ante faciem
Dñi parare vias ejus:

Ad dandam scientiam salutis ple-
bi ejus, * in remissionem peccato-
rum eórum:

Per viscera misericórdiæ Dei nos-
tri: * in quibus visitávit nos, oriens
ex alto:

Illuminare his, qui in ténébris, &
in umbra mortis sedent: * ad diri-
géndos pedes nostros in viam pacis.
Glória Patri, & Filio, &c.

Deinde dicitur Antiphona & Ora-
tio propria & post eam, si occur-
rat eo die aliquod Festum Simplex,
fit de eo Commemoratio. Postremo
(si id tempus requirit) fiunt Commem-
orationes de S. Maria, de Apos-
tolis, & de Patrono Ecclesiæ in or-
dine aliarum Commemorationum,

secundum illius dignitatem, & ulti-
mo loco de Pace, ut infra in Vespe-
ris Sabbati. 118.

In fine, si discedendum sit à Cho-
ro, dicitur una ex Antiphonis bea-
te Mariæ, ut habetur infra post Com-
pletorium. 122.

DOMINICA

Ad Primam.

Pater noster. Ave Maria. Credo.

y. Deus in adiutorium. ut supr. 14.

Hymnus.

Jam lucis orto sidere

Deum precémur supplices,

Ut in diurnis actibus,

Nos servet à nocéntibus.

Linguam refrénans témperet,

Ne litis horror insonet:

Visum fovéndo cóntegat,

Ne vanitates háuriat.

Sint pura cordis íntima,

Absistat & vecórdia:

Carnis terat superbíam

Potus cibique párciat:

Ut, cum dies abscesserit,

Noctémque sors redúxerit,

Mundi per abstinentiam

Ipsi canámus glóriam.

Deo Patri sit glória,

Ejusque soli Filio,

Cum Spiritu Paráclito,

Nunc, & per omne sæculum.

Amen.

In Dominicis per Annum, & tem-
pore Paschali, Antiphona. Alle-
luia.

Psalmus 52.
Deus in nómine tuo salvum me
fac: * & in virtúte tua júdica
me.

Deus exáudi orationem meam: *
áuribus percípe verba oris mei.

Quóniam aliéni insurrexerunt ad-
vérsum me, & fortes quæsierunt
ánimam meam: * & non propo-
suerunt Deum ante conspéctum
suum.

Ec-

Ecce enim Deus adjuvat me: * &
Dñs susceptor est animæ meæ.
Averte mala inimicis meis, * & in
veritate tua disperde illos.

Voluntariè sacrificábo tibi, * &
confitebor nómini tuo Dñi: quóniam
bonum est:

Quóniam ex omni tribulatione eri-
pisti me: * & super inimicos meos
despexit óculus meus.

Sequens Psalmus. Confitemini

Dñno, dicitur tantum in Domini-
cis, quando fit Officium de Domini-
ca, ut in Psalterio, præterquam in
Dominicis à Pascha usque ad Pente-
costen. A Septuagesima vero usque
ad Pascha ejus loco dicitur Psalmus

Dñs Dominus regnavit, ut supr. in Lau-
dibus. 14.

Psalmus 117.

Confitemini Dñno quóniam
bonus: * quóniam in sæculum
misericórdia ejus.

Dicat nunc Israël quóniam bo-
nus: * quóniam in sæculum miseri-
córdia ejus.

Dicat nunc domus Aaron: * quóni-
am in sæculum misericórdia ejus.

Dicant nunc qui timent Dñi-
num: * quóniam in sæculum miseri-
córdia ejus.

De tribulatione invocávi Dñi-
num: * & exaudivit me in latitudine
Dñi.

Dñs mihi adiutor: * non ti-
mébo quid faciat mihi homo.

Dñs mihi adiutor: * & ego
despiciam inimicos meos.

Bonum est confidere in Dñno, *
quam confidere in hómine.

Bonum est sperare in Dñno: *
quam sperare in principibus.

Omnes Gentes circueverunt me: *
& in nómine Dñi quia ultus
sum in eos.

Circumdantes circumdedérunt me: *
& in nómine Dñi quia ultus sum
in eos.

Circumdedérunt me sicut apes, &
exarsérunt sicut ignis in spinis: * & in
nómine Dñi quia ultus sum in eos.
Impulsus evérsus sum ut caderem: *
& Dñs suscepit me.

Fortitudo mea, & laus mea Dñi-
ni: * & factus est mihi in salutem.

Vox exultationis, & saltus in ta-
bernáculo justórum.

Dextera Dñi fecit virtutem:
dextera Dñi exaltávit me, *
dextera Dñi fecit virtutem.

Non moriar, sed vivam: * & nar-
rábo ópera Dñi.

Castigans castigávit me Dñs: *
& morti non tradidit me.

Aperite mihi portas justitiæ. Ingré-
susus in eas confitebor Dñno: * hæc
porta Dñi, justi intrabunt in eam.

Confitebor tibi quóniam exaudisti
me: * & factus est mihi in salutem.

Lápidem, quem reprobaverunt
ædificantes: * hic factus est in ca-
put ánguli.

A Dño factum est istud: * &
est mirabile in óculis nostris.

Hæc est dies, quam fecit Dñi-
nus: * exultémus, & letémur in ea.

O Domine salvum me fac, o Do-
mine benè prosperare: * benedictus,
qui venit in nómine Dñi.

Benediximus vobis de domo Dñi-
ni: * Deus Dñs, & illuxit nobis.

Constitúite diem sollemnem in con-
démis, * usque ad cornu altaris.

Deus meus es tu, & confitebor
tibi: * Deus meus es tu, & exaltá-
bo te.

Confitebor tibi quóniam exaudisti
me: * & factus es mihi in salutem.

Confitemini Dñno quóniam bo-
nus: * quóniam in sæculum miseri-
córdia ejus.

Psalmus 118.

Beati immaculati in via: * qui
ambulant in lege Dñi.

Beati, qui scrutantur testimonia
ejus: * in toto corde exquirunt eum,

B 2

Non